

ԶԲՈՍԱՇՐՋՈՒԹՅՈՒՆ



Երևանը շարունակում է մնալ Հայաստանի գլխավոր զբոսաշրջային կենտրոնը, և քաղաքային իշխանությունների ջանքերը մշտապես ուղղված են պահպանելու մայրաքաղաքի զբոսաշրջային կենտրոնի դերն ու նշանակությունը ազգային և միջազգային մակարդակներում: 2016 թվականին իրականացված ծրագրերը նպաստել են մայրաքաղաքում իրադարձային զբոսաշրջության զարգացմանը, Երևան ժամանող զբոսաշրջիկների տեղեկատվական աջակցության ապահովմանը, զբոսաշրջային ինդուստրիայի ենթակառուցվածքների հետ համագործակցության զարգացմանը: Երևանի քաղաքապետարանը մշակել է առաջարկներ՝ զբոսաշրջային ենթակառուցվածքների արդիականացման գործում ներդրողներ ներգրավելու նպատակով:

ԶԲՈՍԱՇՐՋՈՒԹՅՈՒՆԸ ԹՎԵՐՈՎ

2016 թվականի հունվար-սեպտեմբեր ամիսներին Հայաստանի Հանրապետություն է ժամանել 969 010 զբոսաշրջիկ, որոնք առնվազն մեկ օր անցկացրել են Երևանում

ԵՐԵՎԱՆՈՒՄ ԶԲՈՍԱՇՐՋԻԿՆԵՐԻ ՀՈՍՔԸ ՏԱՐՎԱ ԸՆԹԱՑՔՈՒՄ ԱԿՏԻՎԱՅԵԼ Է

- ▶ Նորին Սրբություն Հռոմի Պապ Ֆրանցիսկոսի այցի օրերին
- ▶ Մայրաքաղաքի օրվան նվիրված տոնակատարությունների և այլ միջոցառումների օրերին:

2015 ԹՎԱԿԱՆԻ ՆՈՒՅՆ ԺԱՄԱՆԱԿԱՀԱՏՎԱԾԻ ՀԱՄԵՄԱՏ ԶԲՈՍԱՇՐՋԻԿՆԵՐԻ ԱՅՅԵԼՈՒԹՅՈՒՆՆԵՐԻ ԹԻՎԸ ԵՐԵՎԱՆ ԱՃԵԼ Է 3.6 %-ՈՎ

- ▶ տպագրվել և հյուրանոցներին, զբոսաշրջային ընկերություններին, թանգարաններին են տրամադրվել երկլեզու (ռուսերեն-անգլերեն լեզուներով) զբոսաշրջային քարտեզներ
- ▶ ամենօրյա առցանց տեղեկատվություն է տրամադրվել տուրիզմի բաժին դիմող զբոսաշրջիկներին
- ▶ Երևանի քաղաքապետարանի պաշտոնական կայքում ստեղծվել է «Միջոցառումների օրացույց» բաժինը, որի միջոցով ներկայացվում են մայրաքաղաքում կազմակերպվող մարզական, մշակութային և զբոսաշրջային-իրադարձային միջոցառումները
- ▶ ՀԲԸՄ հետ համատեղ մշակվել է «Բացահայտենք Երևանը. հայացք քաղաքի անցյալին և ներկային» զբոսաշրջային էլեկտրոնային գիրքը



Իրադարձային զբոսաշրջության զարգացման նպատակով տարվա ընթացքում անցկացվել են ավանդական դարձած Զագի օր, «Համով-հոտով Երևան», «Երևան ՏԱՐԱԶՖեստ», «Ձմերուկի» և «Երևանի գարեջրի» փառատոնները:



Միջազգային և միջտարածաշրջանային համագործակցության զարգացման նպատակով այս տարի Երեվանը ներկայացվել է 18-րդ Կովկասյան զբոսաշրջային ցուցահանդեսին Թբիլիսիում և Չինաստանում կայացած Քաղաքապետների 5-րդ միջազգային զբոսաշրջային ֆորումին:

Քույր և գործընկեր քաղաքների համագործակցության շրջանակներում համաձայնագրեր են կնքվել Երևան և Սանկտ Պետերբուրգ, Երևան և Կազան քաղաքների միջև՝ զբոսաշրջության զար-


գացման համատեքստում: Փորձի փոխանակման նպատակով համագործակցության ծրագրեր են իրականացվել ֆրանսիական Լիոն, Իլ դե Ֆրանս, Փարիզ քաղաքների հետ:



ԵՐԵՎԱՆՈՒՄ ԶՐՈՍԱՇՐՋԱՅԻՆ ԵՆԹԱԿԱՌՈՒՅՎԱԾՔՆԵՐԻ ԶԱՐԳԱՅՄԱՆ ԾՐԱԳՐԵՐ

- ▶ «Երևան Սիթի Տուր» զբոսաշրջային առաջարկից 2016 թվականին օգտվել է շուրջ 4000 այցելու: «Երեվան Սիթի Տուր» շրջայց է կազմակերպվել ԼՂՀ-ում զոհված զինծառայողների ընտանիքների երեխաների, մարզերի երեխաների և տարեցների համար:
- ▶ Շարունակվում է Երևանի կենդանաբանական այգու արդիականացման ծրագիրը, որի նպատակներից մեկը այգին տարածաշրջանում գրավիչ ու հետաքրքիր զբոսաշրջային վայր դարձնելն է:
- ▶ Զբոսաշրջային ենթակառուցվածքների արդիականացման ծրագրերում մասնավոր ներդրողների գրավելու նպատակով մշակվել են ներդրումային փաթեթ-առաջարկներ: Այդ փաթեթները ներառում են «Էրեբունի» պատմահնագիտական արգելոց-թանգարանի, Շենգավիթ հնավայրի, Կարմիր բլուր հնավայրի վերականգնման և զբոսաշրջային ենթակառուցվածքների ստեղծման, «Հաղթանակ» զբոսայգու, Հրազդանի կիրճի տարածքների վերակառուցման ու արդիականացման և այլ ծրագրեր:
- ▶ Ավարտվել է «Վերնիսաժի» վերակառուցման և արդիականացման ծրագիրը: Տարածքի կանաչ մակերեսը կազմում է 6 000 քմ, անցկացվել է ոռոգման նոր ցանց, Հանրապետության և Խանջյան փողոցների կողմից կառուցվել են շատրվաններով հրապարակներ, իսկ միջնամասում՝ 7 ցայտաղբյուրներով հրապարակ: Այգու կահավորանքն ամբողջությամբ փոխարինվել է նորով՝ տաղավարներ, նստարաններ, աղբամաններ: Նորացվել է լուսավորության ցանցը:





* Տեղեկանք՝ ըստ Երևանի քաղաքապետարանի աշխատակազմի տուրիզմի բաժնի կողմից անցկացված հյուրանոցային տնտեսության օբյեկտների գույքագրման տվյալների

